

Tasiilami Sulinermik Inuussutissarsiuteqaartut Peqatigiiffiata

T.S.I.P. "DAALAALUP"

Malittarisassai

2025

Tasiilami Sulineramik Inuussutissarsiuteqartut Peqatigiiffiat

T.S.I.P. "Daalaaloq" Postboks 51, 3913 Tasiilaq.

Siulittaasup mobil normua 249110

Malittarisassat.

§ 2.

Attaveqarneq

Tasiilami Sulineramik Inuussutissarsiuteqartut Peqatigiiffiata nunatsinni Sulineramik Inuussutissarsiuteqartut Kattuffiat kattuffigaa.

§ 3.

Siunertaa

Tasiilami Sulineramik Inuussutissarsiuteqartut Peqatigiiffiata siunertaraa:

- a) Kinaluunniit Tasiilap Illoqarfiani nunaqarfianilu sulineramik inuussutissarsiuteqartut ilaasortannortinniassallugit.
- b) Ilaasortat sullisisallugit isumaqatigiissutit tunngavingalugit eqqortumik akissarsiaqartinneqarnissaat, akissarsiaasalu saniatigut sulliviini eqqortumik pineqarnissaat, kiisalu tamatigut ajunngitsorsiassaarnissaat.
- c) Ilaasortat sullisissallugit suliffissaarussimanerini napparsimanerini allatigullu ajunngitsorsiassaatigut.
- d) Ilaasortat piorsarsimassutsikkut, ilinniartitsinikkut inuiaqatigiittullu ingerlaatsimik qaammarsartassallugit.
- e) 1997 aallarnerfingalugu tunumi sulisartut suleqatigiit pilersinniassallugit nunaqarfiit suleqatingalugit.

§ 4.

Ilaasortaaneq ilaasortaanermilu pisussaaffiit pisinnaatitaaffiillu

Kinaluunniit sulineramik inuussutissarsiuteqartoq ilaasortannorsinnaavoq Tasiilap illoqarfiani nunaqarfianilu najugaqaleruni.

Sulisut sinniisunut siulersuisunullu oqaloqatiginninnermigut paasisassarsiorsinnaavoq, paasisanilu tunngavigalugit ilaasortannornissani aalajangertussaavaa.

Kinaluunniit sulisartut inuussutissarsiuteqartoq 14-nik ukioqalereersimasoq T.S.I.P.-mut ilaasortannorsinnaavoq.

Imm.2.: Ilaasortanngortup peqatigiiffiup siunertaa paasilluartariaqarpaa. Sulisartut peqatigiiffiannut ilaasortaasut ilaasortanngorumasullu sulissunniassallugit suleqatiginiassallugillu.

Imm. 3.: Ilaasortaanermut allagartaq T.S.I.P. allaffiani pissarsiarineqartassaaq. Allaffimmioq pisussaavoq ilaasortaanermut allagartamut ilaasortanngortup aqqa, suliffia, najungaalu kiisalu toqqaannartumik sulisitsisumilluunniit akilerneqartassanersoq allattussallugit.

Imm. 4.: Kinaluunniit Tasiilami Sulisartut Peqatigiiffianut ilaasortanngorsimaguni isumaqatigiissutit malillugit akissarsiaqartoq, Sulisartut Peqatigiit nunaqarfigisamilu malittarisassaat peqatigiiffiup ingerlatitaaneranut malinnittussaataavoq.

Imm. 5.: Ilaasortaq suliffimmini eqqunngitsumik pineqarsoriguni sinniisumut saaffiginnittussaataavoq, sinniisullu suliasaq naammagisimanngippagu Sulisartut Peqatigiiffiata siulersuisuinut ingerlateqqinneqartassaaq.

§ 5.

Ilaasortaanermut akiliut

Imm. 2.: Ilaasortaq 18-nit inorlugit ukiullit, ilinniartut kiisalu ullup affaannaani sulisartut affaannarmik akiliuteqartassapput.

Imm. 3.: Tapersersuisutut ilaasortaq ukiumut kr.20,00-mik akiliuteqartassaaq.

Imm. 4.: Ilaasortap ilaasortaanermut akiliutini aningaasarsiamininngaanniit ilanngaattarneqarnersut nammineq malinnaaffigisussaavai, ilanngaanneqartarsimanngikkuni sulisut sinniisiminut nalunaarutigisussaavaa, sulisut sinniisaasalu suliaq iluatsinngippassuk T.S.I.P. allaffianut nalunaarutigisussaallugu.

§ 6.

Ilaasortat tungaatigut sianigisassat

Ilaasortap sianigisariaqarpaa, suliffimmini paarsilluarnissaq, kiisalu suliffimminut ataqqinninnissaq, tamanna malinneqanngippat sulisartumut soraarsitaanermik kinguneqarsinnaavoq.

Imm. 2.: Ilaasortaq suliffimminut soraarsitaq kiisalu suliffimminut nammineerluni soraarniarloq T.S.I.P.-mut piaartumik saaffiginnittassaaq.

Imm. 3.: Ilaasortanngorniartooq aammalu ilaasortanngoqqinniartooq §3. kiisalu §5. malillugit ilaasortanngortassaaq.

Imm. 4.: Napparsimanermi, erninermi, suliffissaarunnermilu pisortat annertussusileriikkanik ikiorsiissutaat malillugit ingerlanneqartassaaq.

§ 7.

Allamut nuunneq

Ilaasortaq illoqarfimmut nunaqarfimmulluunniit allamut nuunniaruni nuunnissani sioqqullugu peqatigiiffiup ulluinnarni aqutsisuinut nalunaarutigineqartassaaq. Ulluinnarni aqutsisut pisussaapput ilaasortaq pillugu allagaqassallutik illoqarfimmut nunaqarfimmulluunniit tassani S.I.K-p immikkoortorta qarfiata siulersuisuinut.

§ 8.

Ataatsimeersuarneq

Ukiumoortumik ataatsimeersuarneq Tasiilami Sulinermik Inuussutissarsiuteqartut Peqatigiiffiani "Daalaaloq"-mi aalajangiisuunerpaavoq, imaappoq; oqartussaanerpaartaraa. Ataatsimeersuarnermilu aatsaat malittarisassat allannngortinneqarsinnaapput atorunnaarsinneqarsinnaallutillu. T.S.I.P. iluani ajornartorsiutit tamaasa ataatsimeersuarnermi aalajangiiffigineqarsinnaapput.

Imm. 2.: Ataatsimeersuarnissaq, ilaasortanut qaammammik ataatsimik sioqqullugu allakkatigut nalunaarutigineqartassaaq. Ukiumoortumik ataatsimeersuarnissaq qaammammi november-imi pisassaaq. Ataatsimeersuartarneq ukiut marlukkaarlugit pisassaaq.

Imm. 3.: Ataatsimeersuarnermi oqaluuseritinniakkat siunnersuutillu siulersuisunut nassiunneqartassapput kingusinnerpaamik ataatsimeersuarnissaq sap. ak. ataaseq sioqqullugu.

Imm. 4.: Ataatsimeersuarnerup aallartinnerani ilaasortaaneq uppersarsarneqassaaq.

Imm. 5.: Ataatsimeersuarnissaq aatsaat naammassinearsinnaavoq najuuttut 2/3-liisa isumaqatigippassuk.

Imm. 6.: Siulersuisunik qinersineq pappilissamut allallugit qinersineqartassaaq, pisariaqartinneqarpallu nappaatissinikkut qinersisoqarsinnaavoq.

Imm. 7.: Ataatsimeersuarneq imatut ingerlanneqartassaaq:

- a) Siulittaasup ataatsimeersuarneq ammassavaa
- b) Aqutsisussarsiorneq
- c) Siulittaasup ukiumoortumik nalunaarutaa
- d) Naatsorsuutit saqqummiunneqarneri
- e) Siunnersuutit oqaluuseritinniakkat
- f) Tamalaat
- g) Siulersuisussanik qinersineq

§ 9.

Siulersuisussanik qinersineq

Siulersuisussanik qinersineqartassaaq tallimanik (5) ilaasortalinnik, imatut tulleriinnilerlugit:

- a) Siulittaasussamik qinersineq
- b) Siulittaasup tullissamik qinersineq
- c) Allatsissamik qinersineq
- d) Siulersuisunut ilaasortassamik marlunnik (2) qinersineqartassaaq, sinniisussallu sisamat (4) ilanngullugit qinerneqartassallutik.

§ 10.

Immikkut ittumik ataatsimeersuarneq

Siulersuisut amerlanerit kissaatigippassuk imaluunniit ilaasortat 20-t piunasaqalerpata, immikkut ittumik ataatsimeersuortoqarsinnaavoq.

Imm. 2.: Immikkut ataatsimeersuarneq § 9 malillugu ingerlanneqartassaaq.

Imm. 3.: Immikkut ittumik ataatsimeersuarnermi siulersuisussamik qinersisoqarsinnaavoq. Ataatsimeersuartut amerlanerit kissaatigippassuk.

§ 11.

Siulersuisut pisussaaffii

- a) Siulersuisunut ilaasortaq pisussaavoq qinigaaffini peqataaffigilluassallugu.
- b) Siulersuisunut ilaasortaq, qiningaaffiup iluani, siulersuisut ataatsimiinnerini peqataasinnaannginnerminik nalunaarneq ajorpat imaluunniit eqqunngitsumik peqatigiiffimmut iliorsimappat, siulersuisut pisinnaatitaapput tunuartitsissallutik.
- c) Ulluinnarni aqutsisunut inuttaritinneqassapput:

Siulittaasoq

Siulittaasup tullia

Allatsi

Sinniisussaralugu siulersuisunut ilaasortat arlaat.

Imm. 2.: Siulittaasoq pisussaavoq peqatigiiffik ajunngitsumik aqunniassallugu.

Imm. 3.: Ulluinnarni aqutsisut suliasat anginerusut aningaasanut tunngasut, siulersuisut ilagalugit aalajangertassavaat.

Imm. 4.: Peqatigiiffimmi allattuusup ataatsimiinnerit tamakkerlugit malinnaaffigisassavai, allattaavissuit peqatigiiffiup ingerlanerani malinnaatilluassavai. Ataatsimiinnermi allattuusoq najuutinngippat siulersuisut arlaata ataatsimiinnerup ingerlanera allattassavaa, imaappoq; siulersuisut suleqatigiilluartariaqarput.

Imm. 5.: Siulersuisut suliffimmini sulinngiffeqannginnerminni peqatigiiffimmiit sulinngiffeqartassanngillat (Illoqarfik qimallugu aallarsimanngikkuni). Kiisalu ulluinnarni aqutsisut aningaasanik nakkutilliisuusappat.

Imm. 6.: Allaffimmioq pisussaavoq, siulersuisut suleqatigalugit ilaasortat sullisissallugit siulersuisut suliaakkiissutai naammassiniartassallugit.

- a) Peqatigiiffimmi atorfeqartitaq akissarsiaqartinneqassaaq S.I.K-p pisortallu isumaqatigiissutaat malillugit, tamannalu siulersuisunit aalajangerneqartassaaq.
- b) Peqatigiiffimmi atorfeqartitaq, suliffimmini eqqunngitsumik iliorsimappat tamanna soraarsitaanermik kinguneqartussaavoq.

§ 12.

Nunaqarfiit

Tasiilami Sulineramik Inuussutissarsiuteqartut peqatigiiffiata “Daalaaloq”-p ukiut tamaasa Nunaqarfinnut naapeqateqartassooq.

§ 13.

Sinniisut pisussaaffii

Ammassallip kommuniani tamani, sulisut peqatigiiffianni sinniisut pisussaapput, sinniisuuffigisaminni ilaasortaasut naammagittaalliuutaat qullersarisaminnut ingerlateqqittassallugit suliffimmini eqqissisimaaqqatigiinnissaq suleqatigiilluarnissarlu pingaartissallugu, taamalu isumaqatigiissutit malinnaaffigilluarniassallugit malitsinniassallugillu.

Imm. 2.: Illoqarfimmi nunaqarfinnilu sinniisut, qaammammut ataasiarlutik naapeqatigiittassapput makku pissutingalugit.

Suliffeqarfinni ajornartorsiutaasinnaasut, aamma sinniisunngortut paasisaqarnissaat, naapeqatigiinnermilu oqallisiginissaat allakkianngorlugit suliffeqarfinnut, nunaqarfinnullu agguanneqartas- sapput.

Imm. 3.: Sinniisoq pisussaavoq, suleqatini kinaluunniit sulilluarnissamik kaammattorniassallugu, paasitinniassallugulu ilaasortaanerup suut ajunngitsorsiassarinerai.

Imm. 4.: Suliffeqarfinni sinniisoq suleqatiminit naammagineqanngikkuni allamik taarserneqarsinnaavoq.

§ 14.

Sianigisariaqartut allat

Ilaasortaq kinaluunniit soraarniaruni, isumaqatigiissutit naapertorlugit ingerlanneqartassaaq.

Imm. 2.: Ilaasortaq kinaluunniit eqqunngitsuliornini pissutigalugu suliffimminiit soraarsimasoq, peqatigiiffimmiit aningaasat tungaatigut ikiorserneqarsinnaanngilaq.

§ 15.

Peqatigiiffik unittuussangaluarpat

Peqatigiiffik T.S.I.P. "Daalaaloq" unittuussangaluarpat pigisai nalillit Sulinermik Inuussutissarsiuqartut Kattuffiannut S.I.K-mut ingerlateqqinneqassapput.

Malittarisassat uku allangortinneqarput ataatsimeersuarnermi 29 September 2025.

Uppernarsarneqarput ulluinnarni aqutsisuniit

Siulittaasoq

Jens Poulsen
(Jens Nuka Poulsen)

Siulittaasup tullia

Ulrikka Jensen
(Ulrikka Jensen)

Allatsi

Orpa Maqe Kuitse
(Orpa Maqe Kuitse)